

搜玉小集

佚名

文碩閣

wenshuoge.com

目录

关于我们	3
提要	5
搜玉小集全文	6

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

《搜玉小集》，一卷，原本不著撰人名氏，考鄭樵《通志·藝文畧》已載之，則其來甚舊，當為唐人所輯無疑。舊目題凡三十七人，詩六十三首，此本但三十四人，詩六十一首。蓋毛晉重刊所釐定，所註考証頗詳。然胡鵠等三人有錄無詩，晉併刪其姓名，已非缺疑存舊之意。又，人缺其三而詩僅缺其二，不足分配三人，必有一人之詩濶于他人者，則所訂亦未確也。其次第為晉所亂，不可復考。既不以人叙，又不以體分，編次參差重出疊見，莫能得其體例，徒以源出唐人，聊存舊本，以備參訂焉。

搜玉小集全文

○奉和御制白鹿观（或作郑悖）崔湜

御旗探紫篆，仙仗辟丹丘。捧药芝童下，焚香桂女留。鸾歌无岁月，鹤语记春秋。臣朔何其幸，常陪汉武游。

○奉和御制平胡裴漼

玄漠圣恩通，由来书轨同。忽闻窥月满，相聚寇云中。庙略占黄气，神兵出绛宫。将军行逐虏，使者亦和戎。一举輶辇灭。再麾沙朔空，直将威禁暴，非用武为雄，饮至明军礼，酬勲锡武功，干戈还载戢，文德在唐风。

○同前韩休

南牧正纷纷，长河起塞氛。玉兵征选士，金钺拜将军。叠鼓摇边吹，连旌暗朔云。妖星乘夜落，害气入朝分。始见幽烽警，俄看烈火焚。功成奏凯乐，战罢策归勲。盛德陈清庙，神谟属大君。叨荣逢偃羽，率舞咏时文。

○西征军行遇风崔融

北风卷尘沙，左右不相识。■〈风立〉■〈风立〉吹万里，昏昏同一色。马烦莫敢进，人急未遑食。草木春更悲，天景昼相匿。夙龄慕忠义，雅尚存孤直。览史怀浸骄，读诗叹孔棘。及兹戎旅地，忝从书记职。兵气腾北荒，军声振西极。坐觉威灵远，行看祲氛息。愚臣何以报，倚马申微力。

○塞垣行崔湜

疾风卷溟海，万里扬沙砾。仰望不见天，昏昏竟朝夕。是时军两进，东拒复西敌。蔽山张旗鼓，间道潜锋镝。精骑突晓围，奇兵袭暗壁。十月边塞寒，四山沍阴积。雨雪雁南飞，风尘景西迫。昔我事讨论，未尝怠经籍。一朝弃笔砚，十年操矛戟。岂要黄河誓，须勒燕然石。可嗟牧羊臣，海上久为客。

○大漠行前人

单于犯蓟堠，骠骑略萧边。南山木叶飞下地，北海蓬根乱上天。科斗连营太原道，鱼丽合阵武威川。三军遥倚伏，万里相驰逐。旌旆悠悠静瀚源，鼙鼓喧喧动卢谷。穷徼出幽陵，吁嗟倦寝兴。马蹄冻溜石，胡毳暖生冰。云沙泱泱天光闭，河塞阴沈海色凝。崆峒异国谁能托，萧索边心常不乐，近见行人畏白龙，遥闻公主愁黄鹤。

阳春半，岐路间，瑶台苑，玉门关。百花芳树红将歇，二月兰皋绿未还。阵云不散鱼龙水，雨雪犹飞鸿雁山。山障连绵不可极，路远辛勤梦颜色。北堂萱草不寄来，东园桃李长相忆。汉将纷纭攻战盈，胡寇萧条幽朔宁。韩君拜节偏知远，郑吉驱旌坐见迎。火绝烟沈右西极，谷静山空左北平。但使将军能百战，不须天子筑长城。

○将军行刘希夷

将军辟辕门，耿介当风立。诸将欲言事，逡巡不敢入。剑气射云天，鼓声破原隰。黄尘塞路起，走马追兵急。弯弓从此去，飞箭如雨集。截围一百重，斩首五千级。代马流血死，残兵抱鞍泣。古来养甲兵，有事常讨袭。乘我庙堂运，坐使干戈戢。献凯还帝京，军容何翕习。

○从军行贺朝

朔胡乘月寇边城，军书插羽刺中京。天子金坛拜飞将，单于玉塞振佳兵。骑射先鸣推任侠，龙韬决胜伫时英。闻有河湟客，愔愔理帷帘。常山启霸图，汜水先天策。衔珠浴铁向桑干，衅旗膏鼓指乌丸，鸣鸡已报关山晓，来雁遥传沙塞寒。直为寸心从苦节，陇头无水长呜咽。边树萧萧不觉春，天山漠漠长飞雪。鱼丽阵接塞云平，雁翼营通海月明，始看晋幙飞鹅入，旋闻齐垒啼乌声。自从一戍燕支山，春光几度晋阳关。金河未转青丝骑，玉筋应啼红粉颜。鸿归燕相逐，池边芳草绿，已见氛清细柳营，莫更春歌落梅曲。烽沈灶减静边亭，海晏山空肃已宁。行望凤京旋凯捷，重来麟阁画丹青。

○燕歌行（已见国秀集异同注明）屈同

渔阳八月塞草腓，征人相对并思归。云和朔气连天暗，蓬杂惊沙散野飞。此时天地阴埃徧，瀚海龙城皆血战。两军鼓角暗相闻，四面旌旗看不见。昭君远嫁已年多，南使频来尚不和。汉兵候月秋防塞，朔骑乘冰夜渡河。河塞东西万余里，地与京华不相似。燕支山上少光辉，黄沙碛里无流水。金戈玉剑十年征，红粉青楼多怨情。厌得殊方人为别，秋来但听捣衣声。

○塞外郑愔

荒垒三秋夕，穷郊万里平。海阴凝独树，日气下连营。戎旆霜凝重，边裘寒更轻。将军犹转战，都尉不成名。折柳悲春曲，吹笳断夜声。明年汉使返，须筑受降城。

○紫骝杨炯

侠客重周游，金鞭控紫骝。蛇弓白羽箭，鹤辔赤茸秋。发迹来南海，长鸣向北州。

匈奴今未灭，画地取封侯。

○咏寶劍（向誤宋之問）崔融

寶劍出昆吾，龜龍夾彩珠。五精初獻術，千戶竟淪都。匣氣冲牛斗，山形轉轡輜。
欲知天下貴，持此問風胡。

○王昭君盧照鄰

合殿恩中絕，交河使漸稀。肝腸隨玉輦，形影向金微。漢宮草應綠，邊庭沙正飛。
願逐三秋雁，年年一度歸。

○同前東方虬

漢道方全盛，朝廷足武臣，何須薄命妾，辛苦事和親

○同前郭元振

聞有南河信，傳言殺畫師，始知君念重，更肯惜蛾眉。

○晚度天山有懷京邑駱賓王

忽上天山望，依然想物華。雲疑上苑葉，雪似御溝花。行嘆戎麾遠，坐令衣帶賒。
交河浮絕塞，弱水浸流沙。旅思徒漂梗，歸期未及瓜。寧知心斷絕，夜夜泣胡笳。

○送公主和戎徐彥伯

鳳展憐簫曲，鸞帷念掌珍。虜庭遙筑館，漢使遠和親。星去銀河夕，花移玉樹春。
聖情淒割愛，駐蹕望征塵。

○古意（向誤崔湜）崔顥

十五嫁王昌，盈盈出畫堂。自矜年正少，復倚壻為郎。舞愛前溪綠，歌憐午夜長。
門時鬪百草，度日不成妝。

○酬杜麟台春思崔湜

春還上林苑，花滿洛陽城。鴛衾夜凝思，龍鏡曉含情。憶夢殘燈落，離魂暗馬驚。

可怜朝与暮，楼上独盈盈。

○春闺徐彦伯

戍客戍清波，幽闺幽思多。暗梁闻语燕，夜烛见飞蛾。宝匣藏脂粉，金屏缀绮罗。裁衣卷纹素，织锦度鸣梭。有使通西极，缄书寄北河。年光只恐尽，征战莫蹉跎。

○怨情刘允济

玉关芳信断，兰闺锦字新。愁来不自抑，念切已含嚔。虚牖风惊梦，空床月厌人。归期倘可促，勿度柳园春。

○春怨郑愔

春朝物候妍，愁妇镜台前。风吹数蝶乱，露洗百花鲜。试出褰罗幌，还来着锦筵。曲中愁夜夜，楼上别年年。不及随萧史，高飞向紫烟。

○春闺沈佺期

忧思不胜颜，汗马三军去。流莺二月还，边愁行上国。春梦度阳关，池水琉璃净。园花玳瑁斑，岁华空自掷。

○秋闺郑愔

征客向轮台，幽闺寂不开。音书秋雁断，机杼夜蛩催。虚幌风吹叶，闲阶露湿苔。自怜愁思影，共作月徘徊。

○古意沈佺期

卢家少妇鬱金堂，海燕双栖玳瑁梁。九月寒砧催木叶，十年征戍忆辽阳。白狼河北音书断，丹凤城南秋夜长。谁为含愁独不见，更教明月照流黄。

○闺怨（国秀集作孤独叹）徐彦伯

切切夜闺冷，微微孤烛燃。玉盘红泪滴，金烬彩光圆。暖手缝轻素，嚔蛾续断弦。相思咽不语，回向锦屏眠。

○怨辞（向误张炫或刻张纡）张洎

去年离别雁初归，今日裁缝萤已飞。征客未来音信断，不知何处寄边衣。

○秋闺乔知之

南庭结白露，北风扫黄叶。此时鸿雁来，惊鸣催思妾。曲房理针线，平砧捣纹练。鸳鸯裁已成，龙乡信难见。窈窕九重闺，寂寞十年啼。纱窗白云宿，罗幌月光栖。云月隐微微，夜上流黄机。玉霜冻珠履，金吹薄罗衣。汉家已得地，君去将何事。宛转结蚕书，寂寥无雁使。平生荷恩信，本为容华进。况复落红颜，蝉声催白鬓。

○捣衣篇刘希夷

秋天瑟瑟夜漫漫，夜白风清玉露溥。燕山游子衣裳薄，秦地佳人闺阁寒。欲向楼中萦楚练，还来机上裂齐纨。揽红袖兮愁徙倚，盼青砧兮怅盘桓。盘桓徙倚夜已久，萤火双飞入帘牖。西北风来吹细腰，东南月映浮纤手。此时秋月可怜明，此时秋风别有情。君看月下参差影，为听莎间断续声。绛河转兮青云晓，飞鸟鸣兮行人少。攒眉缉缕思纷纷，对影穿针魂悄悄。闻道还家未有期，谁怜登陇不胜悲。梦见形容亦旧日，为许裁缝改昔时。缄书远寄交河曲，须及明年春草绿。莫嫌衣上有斑斑，只为思君泪相渍。

○题河边枯柳王泠然

隋家天子忆扬州，厌坐深宫傍海陬。穿地凿山开御路，鸣笳迭鼓泛春流。流从巩北河分口，直到淮南种官柳。功成力尽人旋亡，运谢年移树空有。当时彩女侍君王，帐殿旌门对柳行。青叶交垂连幔色，白花飞散染衣香。今日摧残何用道，数里曾无一株好。驿骑江帆损更多，山精野鬼藏应老。深秋九月露为霜，日夜孤舟入帝乡。河畔时时闻落叶，客中无个不沾裳。

○折柳篇许景先

春色东来渡灞桥，青门垂柳百千条。垂柳西连建章路，汉家禁苑纷无数。紫花始偏合欢枝，游丝半冒相思树。秦楼初日照南隅，柔条垂绿映金铺。宝钗新梳■〈髟上妥下〉鬓髻，锦带交垂连理襦。自怜柳塞淹戎幕，银烛长啼愁梦着。芳树朝催玉管新，春风夜染罗衣薄。城头杨柳已如丝，今年花落去年时。折芳远寄相思曲，为惜容华难再持。

○长信宫树乔知之

阿娜当轩树，■〈艹丰〉茸倚兰殿。叶映九春华，香摇五明扇。余花鸟味尽，新叶

虫书徧，零落容自知，芬芳君不见。

○同蔡孚五亭咏徐晶

章奏中京罢，云容别业归。拂琴铺野席，牵柳挂朝衣。翡翠巢书幌，鸳鸯立钓矶。幽栖可怜处，春事满林扉。

○阮公体前人

秦王按剑怒，发卒戍龙沙。雄图尚未毕，海内已纷拏。黄尘暗天起，白日敛精华。唯见长城外，僵尸如乱麻。

○赠苏管记杜审言

北地寒应苦，南庭戍不归。边声乱羌笛，朔气卷戎衣。雨雪关山暗，风霜草木稀。
■〈羊月〉兵战欲尽，虏骑猎犹肥。雁塞何时入，龙城几度围。据鞍雄剑动，摇笔羽书飞。舆驾还京邑，朋游满帝畿。方期乘献凯，歌舞共春晖。

○温泉庄卧疾寄杨七炯宋之问

移疾卧兹岭，寥寥倦幽独。赖有嵩高山，高枕长在目。兹山栖灵异，朝夕翳云族。是日蒙雨晴，反景入岩谷。幂幂涧畔草，青青山下木。此意方无穷，环顾怅林麓。伊洛何悠漫，川原信重复。夏余鸟兽蕃，秋末禾黍熟。秉愿守樊圃，归闲欣蓺牧。惜无载酒人，徒把凉潭菊。

○述懷魏征

中原初逐鹿，投笔事戎轩。纵横计不就，慷慨志犹存。杖策谒天子，驱马出关门。请缨系南越，凭轼下东藩。鬱纒陟高岫，出没望平原。古木吟寒雁，空山啼夜猿。既伤千里目，还惊九死魂。岂不憚艰险，深懷国土恩。季布无二诺，侯嬴重一言。人生感意气，功名谁复论。

○暮秋言懷（上二首向誤宋之问）前人

首夏别京辅，杪秋滞三河。沉沉蓬莱阁，日久乡思多。霜翦凉地蕙，风捎幽渚荷。岁芳坐沦歇，感此式微歌。

○白帝懷古（向誤宋之问）陈子昂

日落沧江晚，停桡问土风。城临巴子国，台没汉王宫。荒服仍周甸，深山尚禹功。岩悬青壁断，地险碧流通。古木生云际，归帆出雾中。川途去无限，客思坐何穷。

○书懷刘幽求

心为明时尽，君门尚不容。田园迷径路，归去路何从。

○桂阳三日述懷宋之问

代业京华里，遠投魑魅乡。登高望不极，云海四茫茫。伊昔乘休眇，常为人所羨。两朝赐颜色，二纪陪欢宴。昆明宿昔侍龙媒，伊阙天泉复几回。西夏黄河水心剑，东周清洛羽觞杯。苑中落花扫还合，河畔垂杨拨不开。千春万寿多行乐，柏梁和歌攀睿作。赐金分帛奉恩辉，风举云摇入紫微。晨趋北阙朝天去，夜出南宫把烛归。载笔儒林多歲月，幙被文昌事吴越。越中山海高且深，兴来无处不登临。永和九年佐海郡，暮春三月醉山阴。愚谓嬉遊长似昔，不言流寓歎成今。始安繁华旧风俗，帐饮倾城沸江曲。主人管弦清且悲，客子肝肠断还续。荔浦蘅皋万里余，洛阳音信絕能疎。故园今日应愁思，曲水何能更祓除。逐伴谁怜合浦叶，思归岂食桂江鱼。不求汉使金囊赠，愿得佳人锦字书。

○九日升高王勃

九月九日望乡台，他席他乡送客杯。人今已厌南中苦，鸿雁那从北地来。

○观灯苏味道

火树银花合，星桥鐵锁开。暗尘随马去，明月逐人来。遊妓皆秾李，行歌尽落梅。金吾不禁夜，玉漏莫相催。

○夜遊沈佺期

今夕重门启，遊春得夜芳。月华连昼色，灯影杂星光。南陌青丝骑，东邻红粉妆。管弦遥辨曲，罗绮暗闻香。人拥行歌路，车攒斗舞场。经过犹未已，钟鼓出长杨。

○观灯王諲

暂得金吾夜，通看火树春。停车傍明月，走马入红尘。妓杂歌偏胜，场移舞更新。应须尽记取，说向不来人。

○夜光篇王泠然

遊人夜到汝阳间，夜色冥蒙不解颜。谁家暗起寒山烧，因此明中得见山。山头山下须臾满，歷险縁深无暂断。焦声散着羣树鸣，炎气傍临一川暖。是时西北多海风，吹上连天光更雄。浊烟熏月黑，高焰熬云红。初谓炼丹仙灶里，还疑铸剑神溪中。划为飞电来照物，乍作流星并上空。西山无草光已灭，东顶荧荧犹未絶。沸汤空谷数道水，融盖阴崖几年雪。两京贫病若为居，四壁皆成凿照余。未得贵游同秉烛，唯将半景借披书。

○催妆徐璧

传闻烛下调红粉，明镜台前别作春。不须满面浑妆却，留着双眉待畫人。

○翦彩沈佺期

宫女怜芳树，栽花竞早荣。寒依刀尺尽，春向绮罗生。弱蒂盘丝发，香蕤结素成。纖枝幸不弃，长就玉阶倾。

○人日剪彩余延寿

闺妇持刀坐，自怜裁翦新。叶催情缀色，花寄手成春。帖燕留妆戸，黏鸡待饷人。擎来问夫婿，何处不如真。

○三日岐王宅张谓

玉女贵妃生，嫋嫋始发声。金盆浴未了，綳子绣初成。翡翠雕芳褥，真珠帖小纓。何时学健步，鬪取落花轻。

○满月前人

社金流茂祉，庭玉表奇才。竹似因谈植，兰疑入梦栽。乌将八子去，凤逐九雏来。今夜明珠色，当随满月开。

○太平公主山亭侍宴应制李峤

黄金瑞榜绛河隈，白玉仙輿紫禁来。碧树青岑云外耸，朱楼畫阁水中开。龙舟下瞰蛟人室，羽节高临凤女台。遽惜欢娱歌吹晚，挥戈更却曜灵回。

○岐王席上咏美人张谓

半额畫双蛾，盈盈烛下歌。玉杯寒意少，金屋夜情多。香艳王分帖，裙娇勅赐罗。平阳莫相妬，唤出不如他。

○汾阴行李峤

君不见昔日西京全盛时，汾阴后土亲祭祠。斋宫宿寝设储供，撞钟鸣鼓树羽旗。汉家四叶才且雄，宾延万灵服九戎。栢梁赋诗高宴罢，诏书法驾幸河东。河东太守亲扫除，奉迎至尊导銮舆。五营夹道列容卫，三河纵观空里闾。回旌驻蹕降灵场，懷椒奠桂邀百祥。金鼎发色正焜煌，明祇晬晬摛景光。埋玉陈牲礼神毕，举麾上帝乘輿出。彼汾之曲佳可游，木兰为楫桂为舟。棹歌微吟彩鹢浮，箫鼓哀鸣白云秋。欢娱宴赐洽羣后，家家复除户牛酒。声明动天乐无有，千秋万岁南山寿。自从天子向南关，玉辇金车不复还。珠帘翠羽长寂寞，鼎湖龙髯何处攀。千年人事一朝空，四海为家此路穷。雄豪意气今何在，坛场宫观尽蒿蓬。道傍古老长叹息，世事回环不可识。昔时青楼对歌舞，今日黄埃聚荆棘。山川满目泪沾衣，富贵荣华能几时。不见即今汾上水，唯有年年秋雁飞。

○代白头吟（或刻宋之问集）刘希夷

洛阳城东桃李花，飞来飞去落谁家。洛阳女儿惜颜色，行逢落花长叹息。今年花落颜色改，明年花开复谁在。已见松柏摧为薪，更闻桑田变成海。古人无复洛城东，今人还对落花风。年年岁岁花相似，岁岁年年人不同。寄言全盛红颜子，须怜半死白头翁。此翁白头真可怜，伊昔红颜美少年。公子王孙芳树下，清歌妙舞落花前。光禄池台文锦绣，将军楼阁畫神仙。一朝卧病无知己，三春行乐在谁边。宛转蛾眉能几时，须臾鹤发乱如丝。但看古来歌舞处，唯有黄昏鸟雀悲。

○明河篇宋之问

八月凉风天气晶，万里无云河汉明。昏见南楼清且浅，晓落西山纵复横。洛阳城阙天中起，长河夜夜千门里。复道连甍共蔽亏，画堂琼户特相宜。云母帐前初泛滥，水精帘外转逶迤。倬彼昭回如练白，复出东城接南陌。南陌征人去不归，谁家今夜捣寒衣。鸳鸯机上疎萤度，乌鹊桥边一雁飞。雁飞萤度愁难歇，坐见天河倾渐没。已能舒卷任浮云，不惜光辉让流月。明河可望不可亲，愿得乘槎一问津。更将织女支机石，还访成都卖卜人。

○韦长史挽歌

崔融日暮桑榆下，寒生松柏中冥冥。多苦雾切切有悲，风京兆新阡合扶。阳甲第空郭门从，此去荆棘渐蒙笼。

○度大庾岭宋之问

度岭方辞国，停轺一望家。魂随南翥鸟，泪尽北枝花。山雨初含霁，江云欲变霞。但令归有日，不敢恨长沙。

○过蛮洞前人

越岭千重合，蛮溪十里斜。竹迷樵子径，萍匝钓人家。林暗交枫叶，园香覆橘花。谁怜（在）荒外，孤赏足云霞。

○登越王台前人

江上越王台，登高望几回。南溟天外合，北户日边开。地湿烟常起，山晴雨半来。冬花扫卢橘，夏果摘杨梅。迹类虞翻枉，人非贾谊才。归心不可度，白髮重相催。